

L'apoteca Pütia é stlûta dai 20 ai 26 de messé 2020.

PLOANIES DA SAN MARTIN Y LUNGIARÜ

I ti dun le bëgnü al primiziant siur Stefano Trevisan che zelebriä incö, domënia, ai 19 de messé, cun nos l'Eucaristia tla dlijia da San Martin. L'oferta de chësta domënia ti vëgn dada a d'ël por les misciuns.

Festa de Sant' Anna sö La Crusc en sabeda ai 25 de messé:

Prozesciun da San Linert dales 7.30 ?

Mëssa solëna en onü de Sant' Anna y Prozesciun eucaristica dales 9.30

Le lift da La Crusc vá cina ai 29 de setëmbër 2020 dales 8.30 ales 17.30

Domisde de fede: „dala fontana - zur Quelle”:

En vëndres, ai 24 de messé, dales 14.00, a San Ciascian olach'i piun ia dal Bar Saré. Por informaziuns y por se prenoté telefoné 338 13 00 787

AZIUN DE SAN CRISTOFE en domënia ai 26 de messé:

En chësc ann gnarál partí fora dala Uniun Catolica di Èi scarnüc de graní de café cun le fin, d'un n vers por sostitgní i pici paurs dal café dl paisc Lampocoy tl Guatemala che coltívëia le café “Arabica” te na manira biologica y organica y che s'á stlüt adöm te na cooperativa che i dëida ince da mioré la formaziun scolastica y le sistem sanitar. - La liënda de San Cristofe cunta che, canch'al s'â descadé dadoman, chersciöl sön so bastun fëies y früc. I graní de café ch'i cïafun en chësta domënia tles mans nes inviëia da mëte nosta vita a porté früc, te nosc laur, te nosc com-portamënt sön strada y tla lîta dl patüc da mangé ch'i cumprun.

DI ater vers dess chisc graní de café oje nosta odlada sura l'ur de nosc taí fora y ti daurí nosc cör ala jënt te d'atri continënc, daidan cun na spënorä da ti cumpré mesi de trasport ai miscionars por podëi se möie da n post al ater y da porté aiüt.

RADIO DLA CÖRA / RADIO SACRA FAMIGLIA RSF: Al é gnü metü te dlijia n depliant nü de informaziuns sura le program avisa por dōta l'edema. Tl'ultima reuniun dl AIEC él ince gnü laldé les ploanies dla Val Badia por so interes por le Radio y por i contribuc. Le Radio á veramënter fat n bun sorvisc propi tratan le tēmp dl corona-virus.

PLOANIA DA SAN MARTIN

Na familia da San Martin mëta jí na spazirada tla Val de San Nicolò, ia en Fascia, en dedolönesc, ai 28 de messé. Al vëgn cun nos siur degan, Iaco Willeit, che conësc le post da tröc agn. Deplü informaziuns é da cïafé pro Clara 348 41 31 835.

PLOANIA DA LUNGIARÜ

Al vëgn dër bel perié do le contribut por la ploania de 20 euro por porsona, tuc fora i scolars y studënc, che vëgn trat ite en domënia, ai 26 de messé, y la domënia do, ai 02 d'agost, do mëssa te calonia.

Le contribut pó sambëgn ince gní paíé söl cunt dla ploania da Lungiarü pro la Cassa Raiffeisen IT 63K 08010 58830 000304004931



Plata dles Ploanies San Martin y Lungiarü



siur ploan Klaus Sottas 344 15 54 055 - klsottas@rolmail.net

siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

19.07 - 26.07.20 nr. 34

16ª DOMËNIA IA POR L'ANN - A

Vangele do Matí 13,24-43

Te chël tēmp ti à Gejù cuntè ala meja chësta parabola:


Cun le rēgn dl cil éra sciöche cun n ël, che à somenè de bona somënza te so cïamp.... Canche la somënza ê chersciüda sö y fajö spì, é ince gnü la zizania a löm. Dailò é i fané jüs dal patrün y à dit: Signur, ne n'aste nia somenè de bona somënza te to cïamp? Da olâ vëgn pa la zizania?

Al à respognü: Chësc é stè n mi nemich che à fat. Dailò ti à i fané dit: Désson jì y la trà fora? Al ti à respognü: Nou, zënza tirëise fora ince le formënt cun la zizania.

Lascede crësce entrami cina dala racoiüda.

Canch'al é spo chilò le tēmp dla racoiüda, dijarai ai laurané:

Abinede impröma adöm la zizania y liédela te manes por la burjé; le formënt indere menede te mia majun.



Trëi paraboles aldiunse incö dl rēgn de Dì. La terza parabola dl formënt y dla zizania n'é nia tan saurida da

capí co chëra dl pice granel de sēnf, fora de chël ch'al crësce na gran planta, y chëra dl lové che mëta a crësce dōta la pasta.

La terza parabola dla buna y dla stleta somënza podesson interpreté insciö: Ne iudiché nia y ne condané nia é n comportamënt divin, che nes é dé sö sciöche compit ince a nos jënt dla tera.

Al é n compit dër ri; deache tan atira me vëgnel pa imënt da iudiché y tan saurí me slisorel pa dala lēnga parores de iudize y de condana?

Da ne ponsé nia insciö y da ne baié nia insciö - sc'i fossun bugn da le fá - essun bele na pert dl rēgn dl cil söla tera. (Image)

EDEMA LITURGICA	SAN MARTIN	LUNGIARÜ
19.07.20 16^a DOMËNIA - ann A	9.00 Corona 9.30 Gran Mëssa por la Comunità y benedisciun dl tëmp <i>cun le primiziant siur Stefano Trevisan</i> <i>Oferta por les misciuns che vá a d'ël</i> + siur Heinrich Videsott	7.55 Corona 8.15 Gran Mëssa por la Comunità y benedisciun dl tëmp por le püres Animes
20.07.20 Lönesc <i>Margareta, Apolinar, Aaron</i>		
21.07.20 Dedolönesc <i>Daniel, Laurënz</i>	19.30 Mëssa 2 ^a de sopoltöra + Angelina Tolpei + Florian Terza, La Pli fam. Adele Bonacorvi	
22.07.20 Dedemesaledema <i>Maria Magdalena, Verena</i>		7.30 Mëssa + + Teresa Clara y Pasquale Wieser + Vittoria Clara
23.07.20 Jöbia <i>Brighita de Svezia</i>	7.30 Mëssa + Sepl Flöss, d'Arzó + Tone Unterweger, Cajer + + + Sepl, Sabina y Milio Flöss Corona por vocaziuns	
24.07.20 Vëndres <i>Cristofe, Scharbel M., Cristina</i>	19.00 Adoraziun chîta 19.30 Adoraziun deboriada	7.30 Mëssa + Pire Clara dl Mair + + Serafin y Emma Clara
25.07.20 Sabeda <i>Iaco, apostul, Tea</i>	18.30 Mëssa prefestia en onur dl Sacher Cör de Gejú y de Maria families de Frida Videsott + + Maria y Paul Graffonara	20.00 Mëssa prefestia + Roslinda Dejaco + + de Camora + Sisto Clara
26.07.20 17^a DOMËNIA - ann A <i>Domënia de San Cristofe</i>	9.00 Corona por + Angelina Tolpei 9.30 Gran Mëssa por la Comunità y benedisciun dl tëmp <i>Oferta de San Cristofer por les misciuns</i> en onur y rengraziamënt a San Cristofe 3 ^a de sopoltöra + Angelina Tolpei	7.55 Corona 8.15 Gran Mëssa por la Comunità y benedisciun dl tëmp <i>Oferta de San Cristofe por les misciuns</i>